

P. 92, L. -5【問他土六瑞】《妙法蓮華經文句》卷3〈序品〉：「文為六：初、三行問六趣眾生；二、四行問見彼佛及說法；三、三行問他土四眾；次、一行半結前開後；次、三十一行半，問他土修菩薩行；次、七行問供養舍利，即是問佛涅槃也。」(T34,p.30,c15-19)

P. 92, L. -3【皆如金色】通理《法華經指掌疏》卷1：「皆如金色者。佛光所映。表一切法界。咸同佛界故。」(X33,p.499,c13-14)一松《法華經演義》卷1：「言萬八千土皆如金色者。非祇如黃金之色而已。蓋如來眉間所放之光。全體是中道不思議智。則所照之土。全體是中道不思議境。今以智光照乎理境。則一究竟一切究竟。一自在一切自在。一清淨一切清淨。故言皆如金色也。」(X33,p.64,c15-20)

P. 93, L. 1【假名、五陰】【三世間】據大智度論卷七十之說，世間有五陰世間、眾生世間、國土世間等三種。(1)五陰世間，又作五眾世間、五蘊世間。此世間之眾生能成之法，其色受想行識等五蘊各各差別。(2)眾生世間，又作假名世間。指五蘊所成之假名之眾生各各差別。(3)國土世間，又作住處世間。此世間之眾生所依之住處國土各各差別。～《佛光大辭典》

P. 93, L. 1【趣因、趣果】《妙法蓮華經玄贊》卷2〈序品〉：「『善惡業緣，受報好醜』。受報好醜是所趣果，善惡業緣為能趣因。由善業為異熟因、貪等為潤緣，受人天好總報；人天好總報，行善眾生所歸處故。由惡業為異熟因、貪等為潤緣，受三惡趣醜總報；三惡趣醜總報行，惡眾生所歸處故，名為『所趣』。於此悉見，中有業、煩惱，名為能趣；外器世間，名趣資具；內異熟果，名為所趣。」(T34,p.684,b13-20)「趣資具」：「諸趣業、惑、中有，是能趣故。何故能趣亦名為趣？趣是所趣，業、惑、中有，相從名「趣」。謂器世間，是趣所須。趣之資具，相從所趣，故亦名趣。」～《成唯識論述記》卷4(T43,p.348,c21-26)

P. 93, L. 3【理應徧照無色界】大眾既無「有頂地」眼通，必然不可見有頂天，更何況無色界；若僅是承光遠照，可見「色界」，無形色之「無色界」亦不可見。今乃佛光所照，大眾為佛之「十力」加持故，故同時能知眾生種種因緣果報、有漏無漏、根性、解、智等，誠因佛徹證實相理故，故云「理應徧照」。

P. 93, L. -6【聖主】《法華文句記》卷3〈釋序品〉：「聖即是主，故云聖主。有人云：聖中之主，謂於外道、支佛、羅漢、法身菩薩，諸聖中主。今謂華嚴十方世界主伴之主，非關二乘、外道，但是諸菩薩伴中之主，聖主如師子故云也。」(T34,p.199b16-20)

P. 93, L. -6【頓教純大】《妙法蓮華經文句》卷3〈序品〉：「此廣明說法之相，謂說頓教，逗大根性。聖主師子，即如此土現盧舍那像也。演說經法微妙第一者，即如此土先照高山，演華嚴教也。『教諸菩薩』者，即如此土七處等會，無聲聞人也。『照明佛法，開悟眾生』者，即如此土始見佛身，入如來慧也。」(T34,p.30,c24-p.31,a1)《法華文句記》卷3〈釋序品〉：「又師子吼者，名決定說；前兩教主，非師子吼，說非決定、不譚真實第一義故。雖云兼別，最初純大，故云第一。前之兩教，猶雜煩惱，故非清淨；赴機未遍，不名柔軟。」(T34,p.199,b21-24)

P. 93, L. -3【兩教八門】天台宗判立藏、通、別、圓四教，每一教各配以四門，即：有門、空門、亦有亦空門、非有非空門，稱為四教四門，為天台宗所說進入佛教真理之門戶。

別教之四門，係以歷別入中之觀，證入佛性第一義：(1)有門，涅槃經所說之佛性，猶如乳中有酪、石中有金，故稱有門。(2)空門，猶如石中無金之性、乳中無酪之性，眾生之佛性如虛空。(3)亦有亦空門，謂一切眾生悉有佛性，有無俱得，譬如牛乳之中，可謂含有酪之性，亦可謂不含酪之性。一切眾生悉皆有心故，然須從善巧方便而得見故。(4)非有非空門，謂佛性即中道，有無雙遣故。譬如牛乳之中，非有酪之性、非無酪之性。

圓教之四門，係以圓融無礙之觀，證入此教所詮的中道之理：(1)有門，觀見、思惑之假，即是法界，具足佛法；又諸法即是法性因緣，乃至第一義亦是因緣，是為有門，故知此為三諦相即之假。(2)空門，觀幻化的見思二惑及一切法不在因、不屬緣，我及涅槃是二皆空，唯有空病，空病亦空，故知此即三諦皆空之理，亦即三諦相即之空。(3)亦空亦有門，如一微塵中有大千經卷，於第一義而不動，然善能分別諸實相；又如大地能生種種芽，於無名相中假名相說，故知此為空假雙亦（肯定）之中道。(4)非有非空門，觀幻化的見思二惑即是法性，法性不可思議，非世故非有，非出世故非無；一色一

香，無非中道，故知此為空假雙非（否定）之中道。～《四教義、佛光大辭典》

P. 94, L. 4【開聲聞乘】《妙法蓮華經文句》卷 3〈序品〉：「『若人遭苦』下，第三，三行，問彼土四眾，即是頓說之後，次明三藏教也。若人遭苦者，開聲聞乘也，此頌具明四諦，在文分明(云云)。若人遭苦而造惡業，苦不得盡，底下眾生是也；若人遭苦而造善業，苦亦不盡，厭下攀上，如難陀為欲故持戒等是也；若人遭苦，於外道法中求解脫，增見長非者，苦亦不盡；若人遭苦厭集，復厭依果，感佛說涅槃者，此人能盡諸苦際也。他土亦開此乘也。」(T34,p.31a1-10)

《法華文句記》卷 3〈釋序品〉：「文中先出能厭之行，厭不遍故，未得名盡。雙厭因果，至說涅槃，方乃厭盡。「在文分明」者，苦含因果，即苦集諦；厭老病死即道諦，為說涅槃即滅諦；亦可『為說』之言兼於道諦，涅槃之道即道諦也；所證滅理即滅諦也。又遭苦是總標，厭老病死是知苦，知苦故斷集，為說涅槃是知滅，知滅故修道。」(T34,p.199,c7-14)

P. 94, L. 6【厭下攀上】(1)《善慧大士語錄》卷 2〈語錄〉：「外道業者，修有漏善，厭下攀上，修諸苦行，亦修諸功德，望得高昇自在，永受無為安樂，是為外道業。」(X69, p. 113a14-16)(2)《法華經文句輔正記》卷 3〈釋序品第一〉：「疏云：厭下攀上者，且以厭下人間，攀於欲天之樂，不同色界修於初禪，厭下攀上。」(X28,p.677b10-11)(3)《禪門章》：「若得初禪時，亦得作方便，厭下攀上，二禪即發。」(X55,p.652b3-4)(4)【六行觀】以有漏智次第斷除修惑之際，所修厭下欣上之觀法。三界九地，比較上地與下地，下地為粗、苦、障，故觀而厭之；上地為靜、妙、離，故觀而欣之。依此欣上厭下之力，可次第斷除下地之惑，故又稱欣厭觀。～《佛光大辭典》

P. 94, L. -7【支佛百劫種福】《法華經文句輔正記》卷 3：「婆娑論云：有三根人下中上。下根者，謂聲聞人，極疾三生得阿羅漢果。初生起種順解脫分善，持戒布施順於真諦，二十劫。次生起種順決擇分善，用智決擇斷煩惱，二十劫。第三生方得入聖，乃至盡諸漏得阿羅漢。聲聞極遲經六十劫。中根謂獨覺人，極疾四生，極遲百劫。上根者，定滿三僧祇也。順解脫分，聞思所成，唯散地故，三業為體，殖解脫分，唯人三洲；三惡趣無，無般若故；諸天亦無，無厭苦故；北洲無者，以無厭心及般若故。又施一食、持一戒等，深樂解脫，迴求

涅槃，願力所持，便名種殖順解脫分。」(X28,p.677,b12-22)《教觀綱宗》卷1：「此教具三乘法。聲聞觀四諦。以苦諦為初門。最利者三生。最鈍者六十劫。得證四果。辟支觀十二因緣。以集諦為初門。最利者四生。最鈍者百劫。不立分果。出有佛世名緣覺。出無佛世名獨覺。菩薩弘誓六度。以道諦為初門。伏惑利生。必經三大阿僧祇劫。頓悟成佛。然此三人。修行證果雖則不同。而同斷見思。同出三界。同證偏真。」(T46,p.939,b6-13)

P. 94, L. -3【事六度】天台四教「六度」：～《教觀綱宗》

藏教	通教	別教	圓教
事六度	理六度	不思議六度、十度	稱性六度、十度
偏真法性	無生法性	但中法性	不思議理性
菩薩發四弘誓願，福慧雙修，歷三阿僧祇劫，斷見思習無餘，八相成道。三轉法輪，度三根性，緣盡入滅。	不自、不他、不共、不無因生。一行皆三輪體空。扶習潤生，道觀雙流。遊戲神通，成熟眾生，淨佛國土。	三諦隔歷，於空假之外，別立中道理。依空假中三觀次第而行。一一度中，攝一切法、生一切法、成一切法，浩若恒沙。	雙遮雙照為中道實義。修一心三觀，三諦圓融，一三三一，稱性圓妙。施為法界，一切法趣施，是趣不過等。

P. 94, L. -3【六度、六蔽】「六蔽」：蔽即覆蔽之義，覆蔽吾人之清淨心，有六種惡心。即：(一)慳心（慳貪心），指眾生因慳吝蔽覆於心，不能行於布施，縱行布施亦不能以好物與人。(二)破戒心，指眾生由貪、瞋、癡等煩惱蔽覆於心，行於惡行，不能堅持禁戒。(三)瞋恚心，指眾生由瞋恨忿恚蔽覆於心，歷事對境，常懷惱害於他，而無忍辱之行。(四)懈怠心，指眾生由懈怠蔽覆於心，不能精進勤修聖道之行。(五)亂心（散亂心），指眾生由散亂蔽覆於心，妨於禪定。如風中燈，雖有光明不能照物。(六)癡心（愚癡心），指眾生由愚癡蔽覆於心，而無智慧。於一切事皆不能知，受著邪法不起正見。通潤《楞伽經合轍》卷2〈一切佛語心品之一〉：「以布施度慳貪，以持戒度毀禁，以忍辱度瞋恚，以精進度懈怠，以禪定度散亂，以智慧度愚癡。」(X17,p.829b20-22)